

# LÈWÉ ISAIA TỌN

Isaia 6:1-13

## NUPINPLỌN 350 – NA MEHO LE

**Nupinplọn Do Tamẹ:** "Mì asú lẹ emi, mì yiwanna asi mitọn lẹ, yèdọ dile Klisti ga yiwanna agùn lọ do, bo sọ yí Ede nẹ; na Ewọ nido klọ ẹ wé, bo sọ yí lèwé osin tọn do lẹ ẹ wé gbọn ohó lọ dali. Na Ewọ nido dẹ tọn hlan Ede agùn gigonọ de, he ma do diho, kavi ehe gbi, kavi onú mọhunkọ tọn lẹ; şigba nido wé bo mado apa" (Efesunu lẹ 5:25-27).

### I Numimọ Jihwéyẹwhe Atọndopo Mẹ Tọn He Yè Dohia Isaia

1. Isaia mọnu lọ to godo he yè ko ylọ ẹ do azọn yẹwhegán tọn kọn, eyín omẹ jijọ-di Jihwéyẹwhe tọn, na yè ko suwhe na ẹn wutu: Isaia 6:1; 1:1.
2. Numimọ helọ yín Omẹ Atọn to dopo mẹ wiwé tọn he sọgan wà nupopo: Isaia 6:1-3,8; Johanu 12:41; Owalọ Apósteli lẹ tọn 28:25; Osọhia 4:1-11; 5:6; Ezekielí 1:1-28; Psalm 72:19.
3. Onú he e mọ to numimọ lọ mẹ lẹ yín onú dabla: Isaia 6:4; Eksodusi 40:34, 35; 1 Ahọlu lẹ 8:10, 11.

### II Isaia Mọ Masogbe Ede Tọn, To Ehe Godo Lèwé Etọn Hodo E

1. Numimọ whanpenọ walọ wiwe Jihwéyẹwhe tọn helọ zọn bọ Isaia mọ masogbe ede tọn po gbèzán etọn tọn po: Isaia 6:5; Eksodusi 33:20; Luku 5:8; Matiu 5:8; Heblu lẹ 12:14.
2. Yè lẹ Isaia wé whenuena akán miyọn tọn jẹ nuflo etọn go: Isaia 6:5-7; Psalm 51:2, 7; Ezekielí 36:26.

### III Oylọ Isaia Tọn Po Ogbèdide He Yè dọ Do E Hlan Po

1. To Lèwé Isaia tọn godo, yè ylọ ẹ do azọn de kọn he yín titegbe bo sọ penzín: Isaia 6:8; Gẹnẹsisi 17:1-22.
2. Mèdẹ yí do sanvọ sọn ayiha mẹ etọn hùn ali do nuvo na Jihwéyẹwhe nado yí ogbèdide titegbe do do é hlan na devizọn wiwà: Isaia 6:8-13; Eksodusi 3:1-10; 1 Ahọlu lẹ 19:19-21; 2 Ahọlu 3:11, 12; Owalọ Apósteli lẹ tọn 13:2.

## OTADENA

### Numimọ Po Oplọn He E Plọn Mẹ Po

Oplọn he mí mọ plọn to numimọ Isaia tọn lẹ mẹ yín sùsù talala, to yé mẹ wẹ osọhia Atọndopomẹ wiwé hugan tọn te. Dọ Jihwéyẹwhe yín Atọndopomẹ sọawuhia titegbe, na Isaia mọ Oklunọ é sọ se le mēdida Olọn tọn lẹ to pipa donu atọn na Ẹn do. Pipa donu atọn he hunkọ lọ wẹ omẹfligọ he tin to ofin Jihwéyẹwhe tọn nukọn lẹ na do nọ to pipa Ẹ whenuena nukunbia dahọ na tin to aihọn mẹ (Osọhia 4:8; 5:8-10). E ma yín onújijọ de poun wẹ dọ pipa yetọn do má do donu atọn gba, mimá dopodopo to pipa yetọn mẹ tin hlan omẹ dopodopo to Atọndopomẹ mẹ na onúşiwá ma tin to Jihwéyẹwhe de gba. Onú devo de lẹ sọ tin to numimọ Isaia tọn mẹ he dohia dọ Atọndopomẹ wẹ Jihwéyẹwhe.

Jihwéyẹwhe Otọ tin to finẹ, na Ewọ wẹ yè to didohia di mēhe sinai to ofin ji to Olọn mẹ. To dinvie Klisti sinai to adusilọ Ofin lọ tọn mẹ, Gbigbọ Wiwe sọ tin to aihọn mẹ, E to whẹgblédo "aihọn to agojjijẹ ylando tọn mẹ, dódó tọn, po whẹda tọn po" (Johanu 16:8). Şigba Johanu meyiwanna dọmọ whenuena Isaia mọ Oklunọ, e mọ Jesu! (Pón Johanu 12:37-41). Podọ to Owalọ Apósteli lẹ tọn mẹ, mí hia dọmọ Gbigbọ Wiwe dọhó to whenenu! (Pón Owalọ Apósteli lẹ tọn 28:25-27). Yé na pipa donu atọn lọ na Jihwéyẹwhe Atọndopomẹ, Jihwéyẹwhe Otọ, Jesu Klisti Jihwéyẹwhe Ovi po Gbigbọ Wiwe po.

Dogó kunnudide helẹ, mí mọ dọ whenuena Isaia sè ogbè Oklunọ tọn, ewọ ma sè ogbè omẹ dopo kẹdẹ tọn adavo gbẹtọ sùsù tọn dopo, na Oklunọ dọmọ: "Mẹnu wẹ yẹn na dohlan, mēnu wẹ na yí na mí?" Yè zọn Isaia kẹdẹdi Mēdagùn Atọndopomẹ tọn, şigba azọn he yè zọn-ẹn sọn Jihwéyẹwhe he plidopo he ma sọgan yín yinyonẹn na gbẹtọ (Pón Johanu 17:21-23; Heblu lẹ 2:11).

Oweta helo to pinplon mí do Atondopome ko tin son whéwhéwhenu. "Wiwe, wiwe, wiwe wẹ Oklunọ awhànpa lẹ tọn" wẹ ohàn pipa tọn he to alọ dẹn do é do Klisti tin to Jihwéyewhe mẹ to whenenu. Omẹ nẹ lẹpo he to didọ domọ whenu yè ji Klisti to Bẹtlehem wẹ E jẹ gbèzán Eton ji, to nusiwa daho basi. "He yè ko hù son whenu aihon ko jọ" na omẹdida he to dindon lẹ (Osòhia 13:8). "Na E tin to ogbè tẹgbẹ nado nọ vevẹ na yé" (Heblu lẹ 7:25).

Yè plon mí ga do pipa po yeyi daho po jẹ na Jihwéyewhe míton, mí sọ do na yí ayiha míton lẹpo do na yé hlan Ẽn. Mèdagùn he klo hugan lẹ to ofin nukon sinyonnudo nukunmẹ po afọ yeton lẹ po nado na pipa hlan Ẽn, yé sọ to huhlọ yeton lẹ po yí do to Jihwéyewhe pà. Eyín mēdida he ma tindo ylando he nọ nọte to Ganhunupo nukon lẹ sogan nọ basi ehe, nẹmu nẹmu wẹ mí mēhe yè ko fligọ dogbon Ohùn akuẹgégénu nẹ dali lẹ do na wà mọ ga. Mí do na yí pipa míton lẹpo, sinsèn míton pome tọn, sinsèn son ayiha mē wá, sinsènzón míton, yèdo ogbèzán míton lẹpo, na Ẽn po whiwhẹ ehe siso po. Omẹ dida wiwe helo to pipa Ẽ to whepoponu, yé mēhe ma yon ylando pón, bo ma sọ yon kiklo ojomiọn ofligo po wanyi Jihwéyewhe tọn po hlan yé dali pón. Pipa míton do na hugan yeton, na míwẹ ko yon owanyi po ojomiọn Eton po, po lẹblanu Eton po he E to alọ dẹn do mí to egbesọ egbesọ to gbèzán míton mē.

### Lèwé Isaia Tọn

Isaia yín omẹ Jihwéyewhe tọn whenuena yè do numimọ hia ẹ. Yẹwhégán Jihwéyewhe tọn wẹ ewọ yín to whenenu. Yẹwhégán Jihwéyewhe tọn lẹpo yín omẹ wiwé, nibotlẹ yín do Isaia ma ko mọ lèwé patapata yí jenukon na ojilẹ helo, sogan yé hia ẹ di omẹ wiwé kẹdẹdile é nọ jọ do to gbèzán mēhe yè ko suwhẹ na nugbo lẹ tọn mē do. Sigba ojilẹ de wá to oyọnen Isaia tọn lẹ whenu kẹdẹdile e ko nọ jọ do to oyọnen gbèzán yisenọ dopodopo he yè ko suwhẹna tọn lẹ mē é to zonlinzin to hinhon mē whenuena é mọ lèwé yí to oyọnen he sọgbe to azon lèwé patapata tọn he yè basi to afodoponeji to ayiha eton mē. Walọ wiwé he yè hia do mē go gbọn ojomiọn Jihwéyewhe tọn dali yín mēlọ tọn whenuena ewọ ma ko mọ hinhon daho kavi ojlojẹ nado dín ojomiọn walọ wiwé nẹ lọ tọn he yè nọ na mē gbọn huhlọ nunina ojomiọn Jihwéyewhe tọn dali, Jesu Klisti po Ohùn Eton he yè kọn dai tọn po, to ojilẹ lèwé patapata tọn mē.

Whenuena Isaia mọ le otẹn eton mē to Jihwéyewhe nukon te bọ wiwé Jihwéyewhe tọn sọ sọawuhia to nukon eton, é viavi po awubla ayiha tọn po do: "Dindon wẹ yẹn, na yẹn pota, na yẹn basi omẹ nùflo mawénọ, . . . na nukun šie ko mọ Ahọlu, OKLUNỌ awhànpa lẹ tọn". Mímọ whanpẹ madopodo tọn to gigo pipe walọ wiwé Eton tọn mē zón bọ é mọ otẹn he hunkọ mē ewọ losu te. Ehe zón bọ é yọnen do walọ ylando he yè jì omẹ po é po sọ to ayiha eton mē ehe yè do na hon sẹ. E mọ le ewọ yín masogbenọ sọ. Na e mọ ede to otẹn le nkọ mē zón bọ e yín bibasi na Jihwéyewhe nado wazón lèwé tọn to ayiha eton mē ehe yè nọ ylọ do lèwé patapata.

E yón na mí nado mọ mide kẹdẹdile Jihwéyewhe ko mọ mí do. Eyín mí basi mọ, e na zón bọ mí na dahwá hlan Jihwéyewhe na alogó. Whenenu Jihwéyewhe na sogan wazón na mí na E ni sọ basi onú he E jlo na mí. Yè yi Ohó Jihwéyewhe tọn do basi mepónu. Mí do na nọ pón mepónnu lọ to whedepopenu po odẹ po to ayiha míton mē do na mí ni sogan mọ le mí te gân to finẹ. Omẹ dopodopo he ma ko mọ lèwé yí do na dotu, "Na ehe wẹ ojilọ Jihwéyewhe tọn, yèdo jijowiwé míton" (1 Tẹsalonikanu lẹ 4:3). Mí mēhe ko sọ mọ oyọnen gigonọ nẹlọ lẹ sọ do na gbà mide mē pón to Ohó he nọ dindona omẹ nẹ mē, na mí do na lẹ mide wé, kẹdẹdile Ewọ wé do, na mí ni sọ tón sọn "yise mē jẹ yise mē," podọ sọn gigo mē biọ gigo mē kaka míwẹ nado mọ Ẽn kẹdẹdile Ewọ te, na mí ni sọ taidi I dogbon ojomiọn jawu Eton dali.

To ogohọ he tin to aihon mē mē, aliho jawu wẹ miyọn nọ gbọn do nọ jẹ agbà-oganvẹ tọn ji yè sọ nọ yí akàn-miyon tọn sọn agbà-ganvẹ tọn do ofi Wiwé, yè sọ nọ yí do agbà sika tọn ji he yín nuwhenkun tọn ji, azọ ehe tọn to agayi to zán po okle po yi Jihwéyewhe de. Ehe yín apajilẹ lèwé patapata tọn. Dopo to Selafin lẹ mē yí miyónkán sọn agbà lọ ji é sọ yí do onú Isaia tọn go, yè sọ lá domọ: "Yè bẹ ylankan towe sẹ, yè sọ klọ ylando towe sẹ". Enẹwutu mí sogan do po adogbigbo po do yè lẹ Isaia wé.

Lèwé Isaia tọn ma yín onú he jọ pẹde pẹde gba. Nunina afodoponeji tọn wẹ. Ewọ ma to whinwhẹn to walọ wiwé mē gba, kavi ni mọ do yé to ylando he mē yè ji i do de sẹ pẹde pẹde ma gba. To nukun hwihwe dopo mē Isaia mọ ede di dihónọ sigba to nukun hwihwe he jẹ godo nẹ mē é sè ogbè Selafin nẹ

ton do nê do é ko zùn wiwé mlénmlén. Lèwé yín azón kíkí ayiha ton he yise nọ hẹn wá to ehe godo mēhe to nunina he din ko klan agbasa, gbigbo, ayiha po ogbèzán eton po dovo patapata.

Mí sọgan dayi ego do miyónkán he yè yí sọn agbà ji yín apajlè miyón mejjlado Gbigbo Wiwé ton; é ma yín huhlón he mí nọ mọ yí whenuena yè yí Gbigbo Wiwé do gó mē ton gba. Bẹwlu tin sọn gbẹtọ lẹ de he ma sọgan basi otadena do Gbigbo Wiwé yí do gó mē nẹ lọ yín nunina atòntọ yisenọ ton he hẹn adọai nugbo. Yè lẹ Isaia wé, yè de ylankan eton sẹ, yè sọ lẹ ẹ wé sọn ylando he é do dugu mē, whenuena miyónkán lọ jẹ nùflo eton go. Yè ma ko yí huhlón ehe hunkọ Gbigbo Wiwé nọ na omẹ he ko mọ opagbe Otọ ton yí lẹ to whenenu gba. Nunina Isaia ton yín azón olèwé ton he Gbigbo Wiwé nọ basi. Eyín ohùn mi-do-mẹgo lèwé ton, miyón mejladotọ ton, ehe to awuwlé dai basi na yíyí dogó mē Gbigbo Wiwé ton to gígó mē Huhlón Etón ton. Yè nọ na mí huhlón helọ whenuena mí mọ afódide atòntọ yisenọ ton, yíyí Gbigbo Wiwé do gó mē.

Yè lẹ Isaia wé, şigba yè ma ko yí Gbigbo Wiwé do gómẹ jẹnukọn na azán Pẹntikostí gbe ton gba. Akonfanamẹto lọ ma wá kaka do jẹ whenuena Jesu heji yi Olon gba, enẹwutu e ma tin to omẹ wiwé Alẹnu Hóhó whenu ton lẹ mē ehe mọ Gbigbo Wiwé yí gba. Şigba sùsù to yé mē wẹ yè lèwé, yé sọ dekunnu na nugbo lọ dogbon sinsen yeton to aigba aihon helo ton ji to walọ wiwé he sọgbe ehe yín do mēhe yé lèwé lẹ kẹde wẹ yonẹn.

### **Owẹn He Yè Do Isaia**

Omẹ lẹpo wẹ Jihwéyẹwhe ylọ. Pẹvide wẹ siọ oylọ lọ, Jihwéyẹwhe sọ şinyan yé, eyín yé sọgan to linsinyẹn to aliho jijọ-di-Jihwéyẹwhe ton ji, yé yín nugbonọ (Matiu 20:16; Osọhia 17:14). Vude to yé mēhe siọ oylọ Jihwéyẹwhe ton hlan whlengan dali lẹ wẹ yé ylọ, yè sọ şinyan yé do azón titegbe lẹ kọn to sinsen Etón kọn (1 Kọlintinu lẹ 12:28; Efesunu lẹ 4:11-13). Yè ko to Isaia ylọ do yewhegán Jihwéyẹwhe ton jẹnukọn na lèwé eton lọsu, şigba whenuena yè klọ wé sọn ylando he mē yè ji i do mē, oylọ eton wá hónwùn gblégédé, yè sọ na ẹn azón titegbe nado wá dogbon akọta Israeli agojoyìgodotọ ton dali.

Yè dowẹn titegbe Isaia hlan gbẹtọ lẹ, na yé ni ma do teşi aliho walọ ylankan yeton ton ji ehe vivonu eton yín zinlu po kanlinmogbenu po. Yè şinyan ẹn na azón titegbe helo yè wléawu eton dai na ẹn. Owé dọdai eton lẹ ton dekunnu na ẹn do ewọ yín nugbonọ hlan oylọ eton podọ hlan omẹ eton lẹ. Onú daho talala he dabra wẹ yè dohia mí to ohó he é hẹn wá na mí lẹ mē sọn Jihwéyẹwhe de dogbon gbigbodomemẹ Gbigbo Wiwé ton dali. Owhèdida he dobu po awugblé he vẹawu po he gbọn godo na ylando wiwà po atẹşisi do Jihwéyẹwhe go po, wẹ yè wlan do owé Isaia ton mē. Yè ylọ ẹ, yè şinyan ẹn, é sọ yín nugbonọ yèdọ kaka jẹ okú.

### **OKANBIQ LẸ**

1. Dọ nugbo titegbe dogbon Jihwéyẹwhe ton dali ehe yè plon mí to numimọ Isaia ton mē.
2. Nawẹ mí wá do yonẹn to oweta oplon míton ton mē podọ to ofi devo to Owé Wiwe mē do mimọ Jihwéyẹwhe yín Omẹ Atón vovo he tin to walọ Jihwéyẹwhe ton mē?
3. Etẹwẹ vogbingbon he awusọhia Jihwéyẹwhe ton hẹn wá to Tẹmpli mē?
4. Etẹwẹ vogbingbon he numimọ lọ hẹn wá ogbèzán Isaia ton mē?
5. Etẹwẹ Selafin lọ basi podọ etẹwẹ e do do ohó he Isaia do dogbon ede ton dali?
6. Nawẹ mí yonẹn do do yè lẹ Isaia wé to ojilé helo mē?
7. Nawẹ mí yonẹn do do yè ma yí Gbigbo Wiwé do gó Isaia to ojilé helo mē?